



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT. GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-০৯২

শেখ রাসেল দিবস আগামীকাল

রাজশাহী; ০১ কার্তিক (১৭ অক্টোবর):

আগামী বুধবার (১৮ অক্টোবর) শেখ রাসেল দিবস। সারাদেশের মতো রাজশাহীতেও দিবসটি যথাযোগ্য মর্যাদায় উদ্‌যাপিত হবে। তথ্য ও যোগাযোগ প্রযুক্তি অধিদপ্তরের সহযোগিতায় দিবসটি উপলক্ষ্যে বহুমাত্রিক কর্মসূচি বাস্তবায়ন করবে রাজশাহী বিভাগীয় ও জেলা প্রশাসন।

এ উপলক্ষ্যে বুধবার সকাল নয়টায় বিভাগীয় কমিশনারের কার্যালয় হতে এক বর্ণাঢ্য শোভাযাত্রা বের হয়ে জেলা শিল্পকলা একাডেমিতে গিয়ে শেষ হবে। সকাল সাড়ে নয়টায় জেলা শিল্পকলা একাডেমি চত্বরে শেখ রাসেলের প্রতিকৃতিতে পুষ্পস্তবক অর্পণ করা হবে।

সকাল পৌনে দশটায় জেলা শিল্পকলা একাডেমি মিলনায়তনে এক আলোচনা সভা অনুষ্ঠিত হবে। বেলা এগারোটায় একইস্থানে সাংস্কৃতিক পরিবেশনা ও পুরস্কার বিতরণী অনুষ্ঠিত হবে। অনুষ্ঠানে রাজশাহী বিভাগীয় কমিশনার ড. দেওয়ান মুহাম্মদ হুমায়ূন কবীর প্রধান অতিথি হিসেবে উপস্থিত থাকবেন। এ সময় ঢাকার কেন্দ্রীয় অনুষ্ঠানের উদ্বোধনপর্ব ও শেখ রাসেল পদক বিতরণ পর্ব বড় পর্দায় সরাসরি প্রদর্শিত হবে।

বিভাগীয় ও জেলা প্রশাসনের গৃহীত কর্মসূচি ছাড়াও রাজশাহী সিটি কর্পোরেশন, বাংলাদেশ শিশু একাডেমীর রাজশাহী কার্যালয়, বাংলাদেশ বেতারের রাজশাহী কেন্দ্র, শেখ রাসেল শিশু পুনর্বাসন কেন্দ্র, শিশু পরিবার, গণপূর্ত দপ্তর, সকল শিক্ষাপ্রতিষ্ঠানসহ আরো অনেক দপ্তর দিবসটি উদ্‌যাপনে পৃথক পৃথক অনুষ্ঠানের আয়োজন করবে।

.....
তৌহিদ/সিকান্দার/রুহুল/হালিম/২০২৩/১০.২৩ঘ.